

	Republika e Kosovës Républika Kosovo Republic of Kosovo KËSHILLI GJYQËSOR I KOSOVËS SUDSKI SAVET KOSOVA KOSOVO JUDICIAL COUNCIL
Nr.Br.No.	01 / 793
DAT.DT.	30.12.20
PRISHTINË /	



REPUBLIKA E KOSOVËS
REPUBLIKA KOSOVO - REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL



UNIVERSITETI I MITROVICËS
“ISA BOLETINI”
FAKULTETI JURIDIK

MEMORANDUM BASHKËPUNIMI

NË MES TË

KËSHILLIT GJYQËSOR TË KOSOVËS

DHE

FAKULTETIT JURIDIK TË UNIVERSITETIT PUBLIK TË MITROVICËS "ISA BOLETINI"

Prishtinë - dhjetor 2020

Neni 1 Qëllimi

1. Qëllimi i këtij memorandumi është bashkëpunimi, mbështetja dhe bashkërendimi i aktiviteteve në mes të subjekteve të lartcekura.
2. Memorandumi synon të promovojë përpjekjet e përbashkëta të dy institacioneve në sferën e avancimit të çështjeve me interes reciprok.

Neni 2 Palët në Memorandum

1. Palët në këtë memorandum janë:

- 1.1 Këshilli Gjyqësor i Kosovës;
- 1.2 Fakulteti Juridik, Universitetit Publik i Mitrovicës “Isa Boletini.

Neni 3 Fushat e Bashkëpunimit

1. Palët e lartcekura do të bashkërendojnë aktivitetet për afirmimin e çështjeve aktuale në fushën e avancimit të jetës akademike dhe profesionale përmes:

- 1.1 Bashkëpunimit në zhvillimin e moduleve dhe programeve të ndryshme të studimit.
- 1.2 Realizimit të punës praktike për studentët e Fakultetit Juridik në Institucionet Gjyqësore te Kosovës.
- 1.3 Shkëmbimet e përvojave, praktikave të mira, ekspertëve dhe literaturës përkatëse për zhvillimin institucional, me qëllim të avancimit profesional dhe akademik të studentëve dhe stafit të Këshillit Gjyqësor.
- 1.4 Hartimin e programeve hulumtuese dhe kërkimore konform kërkesave dhe interesave dypalëshe.
- 1.5 Organizimin e përbashkët, të veprimtarive shkencore dhe profesionale si: simpoziume, seminare, konferanca, tryeza, shkolla verore, trajnime etj.
- 1.6 Ndikimi pozitiv në përafrimin e programeve te studimit me nevojat e tregut të punës,
- 1.7. Mbështetjes teknike dhe organizative dy palëshe.
- 1.8. Mbajtjes së ligjëratave (me tema të veçanta) nga ana e anëtarëve të Këshillit Gjyqësor të

Kosovës dhe gjyqtarëve para studentëve të Fakultetit Juridik dhe stafit akademik të interesuar.

- 1.9. Botimi i punimeve profesionale dhe akademike të anëtarëve të KGJK –së dhe gjyqtarëve në revistën shkencore të Fakultetit Juridik “JUS PUBLICUM – JUS PRIVATUM”, konform standardeve që i përcakton redaksia e revistës.
- 2.0. Realizimin e formave të ndryshme të bashkëpunimit konform vullnetit dhe interesit të përbashkët.

Neni 4

Obligimet e Këshillit Gjyqësor të Kosovës dhe gjykatave themelore në Kosovë

1. Këshilli Gjyqësor i Kosovës zotohet se ti mundësoj qasje kërkesave te Fakultetit Juridik të Universitetit Publik të Mitrovicës "Isa Boletini" brenda kufizimeve ligjore;
2. Gjykatat zotohet se do t'i mundësojnë përcjelljen e gjykimeve të ndryshme studentëve të Fakultetit Juridik të Universitetit Publik të Mitrovicës "Isa Boletini", me përjashtim të atyre gjykimeve, të cilat sipas ligjit në fuqi nuk lejohet pjesëmarrja e publikut si dhe do t'i koordinojnë aktivitetet e studentëve në gjykata si për shembull simulimet e gjykimeve, funksionimin e Zyrës Qendrore për Menaxhimin e Lëndëve, pjesëmarrijen në seancat gjyqësore, etj.

Neni 5

Obligimet e Fakultetit Juridik të Universitetit Publik të Mitrovicës "Isa Boletini"

1. Fakultetit Juridik i Universitetit Publik të Mitrovicës "Isa Boletini", zotohet se do të organizojë orarin e vizitave të studentëve në gjykatë në mënyrë që të gjithë studentët të kenë qasje sipas interesave të tyre.
2. Fakultetit Juridik i Universitetit Publik të Mitrovicës "Isa Boletini", zotohet se do ta njoftojë gjykatën mbi orarin e vizitave dhe listën e studentëve së paku një (1) muaj më herët.
3. Fakultetit Juridik i Universitetit Publik të Mitrovicës "Isa Boletini", zotohet se do të koordinojë punën me gjyqtarë të cilët janë caktuar si koordinator për të garantuar se puna me studentë në gjykatë të vlerësohet dhe konsiderohet si pjesë e mësimit të tyre.
4. Fakultetit Juridik i Universitetit Publik të Mitrovicës "Isa Boletini", zotohet se pas marrjes se konfirmimit nga Këshilli Gjyqësor i Kosovës dhe gjykata për numrin e studenteve që do te mund ti pranoj Këshilli Gjyqësor i Kosovës dhe gjykata, bashke

me listën e pjesëmarrësve për vizitë në Këshillin Gjyqësor të Kosovës dhe institucionet tjera gjyqësore në Kosovë duhet ti dërgoj edhe informatat që përbajnë të dhënët si:

- 4.1 Emrin dhe mbiemrin e pjesëmarrësve;
 - 4.2 Numrin Personal të dokumentit identifikues;
 - 4.3 Numrin e pjesëmarrësve te caktuar nga Këshilli Gjyqësor i Kosovës dhe gjykata.
5. Personeli Akademik dhe studentët me rastin e vizitave në Gjykatat dhe Këshillin Gjyqësor të Kosovës, janë të obliguar t'i zbatojnë rregullat e brendshme të KGJK-së dhe institucioneve gjyqësore.
 6. Personeli Akademik dhe Studentët e Fakultetit janë të obliguar që për çdo vizitë të informojnë me kohë Këshillin Gjyqësor të Kosovës, së paku 48 orë para vizitës.
 7. Studentëve të Fakultetit sipas këtij memorandumi mund t'ju lejohet punë praktike ose hulumtim në KGJK dhe institucione gjyqësore, me kërkesë të veçantë.
 8. Këshilli Gjyqësor i Kosovës i mundëson qasje për vizitë në hapësirat e tij personelit akademik dhe studentëve të Fakultetit Juridik përfushat e bashkëpunimit sipas këtij Memorandumi dhe në pajtim me legjislacionin ne fuqi si dhe rregullat e brendshme të Këshillit Gjyqësor të Kosovës;
 9. Personeli Akademik dhe studentët e Fakultetit janë të obliguar ta ruajnë konfidencialitetin gjatë vizitës në Këshillin Gjyqësor të Kosovës dhe gjykata sipas legjislacionit në fuqi përmbrojtjen e të dhënave personale.

Neni 6 Kohëzgjatja

Kjo marrëveshje do të hyjë në fuqi nga dita e nënshkrimit dhe ka efekte juridike në kohë të pacaktuar, konform vullnetit dhe interesave të përbashkëta.

Neni 7 Ndërprerja

1. Ky memorandum bashkëpunimi mund të ndërpritet:

- 1.1 Në çdo kohë në rast të mos respektimit të pikave të marrëveshjes nga të dyja palët.
- 1.2 Me paralajmërim me shkrim së paku 30 ditë para datës së ndërprerjes së marrëveshjes.

Neni 8
Ndryshimi dhe amendamentimi

Ky memorandum bashkëpunimi mund të rishikohet, ndryshohet dhe plotësohet në bazë të pajtimit paraprak ndërmjet palëve nënshkruese.

Neni 9
Ekzemplarët e Memorandumit

Ky Memorandum Bashkëpunimi nënshkruhet në dy ekzemplarë të njëjtë nga një ekzemplarë për secilën palë.

Neni 10
Hyrja në Fuqi

Ky Memorandum Bashkëpunimi hynë në fuqi në ditën e nënshkrimit nga palët nënshkruese.

PALËT:

Këshilli Gjyqësor i Kosovës



Kryesues
Skender Çocaj

Fakulteti Juridik i Universitetit Publik të
Mitrovicës "Isa Boletini"



Dekan,

Prof. Asoc. Dr. Agron Beka,